



partii naleraq

Ulloq:15.06.2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Naalakkersuisunut apeqqutit:

- 1. Naalakkersuisut siulittaasuata aamma Borgmesterip Saqqaq-miunut neriussuutigisimasai, Saqqami qatserisarfik nutaaq aamma sannavik nutaaq sumut killippat?**
- 2. Nunaqarfinni qatserisarfeqarneq, ikuallattoornissamut sillimaneq Kalaallit Nunatsinni nunaqarfinni tamani pitsaasutikkut killiffik Naalakkersuisuniit ilisimaneqarpa ?**
- 3. Nunaqarfinni Qatserinissamut atortuutitigut nutarterisoqartarpa?**
- 4. Tamakku tamarmik kommunenit akissaqarfigineqarpa?**
(Inatsisartunut Ilaasortaq Hans Enoksen, Partii Naleraq)

Tungavilersuut:

Ukiut arlalissuit qaangiupput qullissat akiani nuna sisuullarmat tassaarujussuartoqarnerata kingunerisaanik inoqarfinni sillimaniarnikkut pissutsit annertuumik sammeneqarput. Taamanikkut Ilulissani eqqaanilu inoqarfiit Naalakkersuisut siulittaasuannit aamma Borgmesterimit qujanartumik ataatsimiisitsivigineqartarput.

Saqqami ataatsimiisitsinermi neriorsuutigineqarsimapput Saqqami qatserisarfik nutaanngorlugu allamut isumannaanerusumut nuunneqassasoq, aammalu nunaqarfiup sannavia nutaanngorlugu allamut isumannaanerusumut nuunneqassasoq. Taamatut siunnerfeqarneq assut nunaqarfimminut toqqissiallaataasimavoq, kisianni ulloq manna tikillugu sulii qanoq iliuuseqartoqarani.

Nalakkersuisut Kommunillu ataatsimoorlutik qanoq iliuusissaat innutaasut utaqqivaat.

Apeqquteqaatima ullut suliffiusut 10-lit qaangiutinnagit akineqarnissaa kissaatigaara.